



Broj: 02-11-2-1411/26
Goražde, 07.04.2026.godine

Na osnovu člana 4. Odluke o utvrđivanju Kriterija za sufinansiranje, vrednovanje i odabir programa kojima se podstiče obavljanje sportskih djelatnosti u Gradu Goraždu („Službene novine Grada Goražde broj: 2/26) te u skladu sa Odlukom o izvršavanju Budžeta grada Goražda za 2026.godinu („Službene novine Grada Goražde broj:14/25), gradonačelnik Grada Goražda,
r a s p i s u j e

J A V N I P O Z I V
ZA PRIKUPLJANJE ZAHTJEVA ZA SUFINANSIRANJE, VREDNOVANJE I ODABIR
OSNOVNIH PROGRAMA KOJIMA SE PODSTIČE OBAVLJANJE SPORTSKIH
DJELATNOSTI U GRADU GORAŽDU ZA 2026. GODINU

1. PODNOSIOCI ZAHTJEVA ZA OSNOVNI PROGRAM

U skladu sa Odlukom o utvrđivanju Kriterija za sufinansiranje, vrednovanje i odabir programa kojima se podstiče obavljanje sportskih djelatnosti u Gradu Goraždu („Službene novine Grada Goražde broj:2/26), podnosioci zahtjeva za OSNOVNI PROGRAM iz Budžeta Grada Goražda mogu biti isključivo nosioci sportskih djelatnosti sa sjedištem u Gradu Goraždu, koji doprinose razvoju sporta.

2. PROGRAM KOJI SE SUFINANSIRA

Priprema i takmičenje sportskih klubova u redovnom sistemu takmičenja granskih saveza.

3. UKUPAN IZNOS PREDVIĐENIH SREDSTAVA

Ukupan iznos predviđenih sredstava za OSNOVNI PROGRAM u 2026. godini je 136.000,00KM.

4. OPĆI USLOVI I NAČIN PRIJAVE

Sportski klubovi da bi mogli koristiti finansijska sredstva iz Budžeta Grada Goražda u 2026. godini za priprema i takmičenje u redovnom sistemu takmičenja granskih saveza moraju ispuniti opće uslove i način prijave.

4.1. Opći uslovi

1. Da je sportski klub registrovan u skladu sa odredbama Zakona o udruženjima i fondacijama Federacije Bosne i Hercegovine. Prilikom predaje zahtjeva predaje se Izvod iz Registra udruženja i fondacija (uz Obrazac OP-1).

2. Da je sportski klub registrovan u skladu sa odredbama Zakona o sportu Bosansko – podrinjskog kantona Goražde. Prilikom predaje zahtjeva predaje se Rješenje o upisu u Registar pravnih i fizičkih lica u oblasti sporta na nivou Bosansko – podrinjskog kantona Goražde koji vodi Ministarstvo za obrazovanje, nauku, kulturu i sport Bosansko - podrinjskog kantona Goražde (uz Obrazac OP-1).
3. Da sportski klub ima osiguran prostor za provođenje treninga i održavanje takmičenja. Prilikom predaje zahtjeva prilaže se potvrda o korištenju prostora za provođenje treninga i održavanje takmičenja (uz Obrazac OP-1).
4. Da je sportski klub uključen u redovni sistem takmičenja granskog saveza. Prilikom predaje zahtjeva prilaže se bilten lige ili raspored takmičenja tekuće sezone, za ekipne sportove. Za pojedinačne sportove, prilažu se zadnji dostupan bilten (ili drugi odgovarajući dokument) s pojedinačnih državnih, federalni ili kantonalnih prvenstava granskog saveza (uz Obrasce: OP-2, OP-3).
5. Da je sportski klub dostavio zvaničan ostvaren rezultat u protekloj takmičarskoj sezoni. Prilikom predaje zahtjeva prilaže se završni bilten lige ili konačnu tabelu za proteklu takmičarsku sezonu, za ekipne sportove. Za pojedinačne sportove, prilažu se bilteni (ili drugi odgovarajući dokumenti) s pojedinačnih državnih, federalni ili kantonalnih prvenstava granskog saveza u protekloj takmičarskoj sezoni (uz Obrasce: OP-2, OP-3).
6. Da je sportski klub ostvario najbolji rezultat u svojoj grani sporta u protekloj takmičarskoj sezoni u odnosu na druge sportske klubove sa sjedištem u Gradu u toj grani sporta. Utvrđuje se na osnovu dokumentacije dostavljene uz Obrasce: OP-2, OP-3.
7. Da je sportski klub dostavio prihvatljiv narativni i finansijski izvještaj o ranije doznačenim sredstvima.
8. Da je od 01.01.2026. godine minimalno jedna uzrasna selekcija sportskog kluba uključena u redovan sistem takmičenja najmanje tri godine. Prilikom predaje zahtjeva uz Obrazac OP-1 sportski klubovi na koje se ova odredba odnosi prilažu biltene nadležnog granskog saveza ili drugi odgovarajući dokument kojim se dokazuje da je minimalno jedna uzrasna selekcija sportskog kluba uključena u redovan sistem takmičenja najmanje tri godine. Sportski klub prethodno mora biti upisan u Registar pravnih i fizičkih lica u oblasti sporta na nivou Bosansko – podrinjskog kantona Goražde.
9. Da sportski klub uredno ispunjavanje obveze plaćanja poreza i doprinosa. Prilikom predaje zahtjeva predaje se Uvjerenje nadležnog organa.
10. Da se protiv sportskog kluba, odnosno lica ovlaštenih za zastupanje i predstavljanje i voditelja programa ne vodi krivični postupak i nije pravosnažno osuđen za prekršaji/ili počinjenje krivičnog djela. Prilikom predaje zahtjeva predaje se Uvjerenje nadležnog organa.
11. Da sportski klub ima internim aktima uspostavljen:
 - model dobrog finansijskog upravljanja i kontrola,
 - način sprečavanja sukoba interesa pri raspolaganju budžetskim sredstvima,
 - odgovarajuće organizacijske kapacitete i ljudske resurse za provođenje programa.Prilikom predaje zahtjeva predaje se ovjerena Izjava ovlaštenog lica sportkog kluba.
12. Da sportski klub dostavi sve predviđene obrasce sa svim traženim podacima u prilogu.

4.2. Način prijave

Prijava se vrši na osnovu utvrđenih obrazaca i to:

1. Obrazac OP -1 koji se odnosi na prijavu i dostavu podataka za osnovni program finansiranja sporta u Gradu Goraždu,
2. Obrazac OP-2 koji se odnosi na dostavu podataka za ekipne sportove,
3. Obrazac OP-3 koji se odnosi na dostavu podataka za pojedinačne sportove,

Svi obrasci potrebni za prijavu Zahtjeva za OSNOVNI PROGRAM finansiranja sporta u Gradu Goraždu dostupni su na internet stranici Grada Goražda www.goraze.ba te u prostorijama Služba za društvene djelatnosti, opću upravu, socijalnu zaštitu i stambena pitanja (ulica Maršala Tita broj 13 Goražde, soba broj 54.)

Svi sportski klubovi prilikom prijave Zahtjeva za OSNOVNI PROGRAM finansiranja sporta u Gradu Goraždu obavezni su u cijelosti popuniti obrasce, s tim da oni dijelovi obrazaca koji nisu popunjeni neće biti bodovani, kao ni obrasci koji ne budu dostavljeni.

Zahtjeva za OSNOVNI PROGRAM finansiranja sporta u Gradu Goraždu dostavljaju se Gradskoj upravi Grada Goražda putem pošte na adresu:

Grad Goražde

Komisija za vrednovanje i odabir predloženih osnovnih programa kojima se podstiče obavljanje sportskih djelatnosti u Gradu Goraždu za 2026. godinu

Maršala Tita broj 2 Goražde 73000 Goražde

ili neposredno na pisarnici u zgradi Gadske uprave Grada Goražda.

5. ODLUČIVANJE PO ZAHTJEVIMA

Vrednovanje i odabir zahtjeva za OSNOVNI PROGRAM kojima se podstiče obavljanje sportskih djelatnosti u Gradu Goraždu vrši Komisija formirana od strane gradonačelnika Grada Goražda.

Komisija utvrđuje Plan raspodjele sredstava za finansiranje sporta iz javnih sredstava kojima se podstiče obavljanje sportskih djelatnosti u Gradu Goraždu, uz mogućnost prigovora gradonačelniku Grada goražda, u roku od osam dana od dana njegovog objavljivanja. Konačan Plan raspodjele sredstava za finansiranje sporta iz javnih sredstava kojima se podstiče obavljanje sportskih djelatnosti u Gradu Goraždu donosi gradonačelnik Grada Goražda, nakon okončanih svih prethodnih postupaka.

Nakon utvrđenog Konačnog raspodjele sredstava za finansiranje sporta iz javnih sredstava kojima se podstiče obavljanje sportskih djelatnosti u Gradu Goraždu podnosilac zahtjeva se poziva da potpiše Ugovor sa Gradom Goraždem.

Ukoliko se podnosilac ne odazove pozivu za potpisivanje ugovora u roku od 15 dana od obavještenja da mu je zahtjev odobren, smatrat će se da je odustao od zahtjeva.

6. ROK ZA PRIJAVU, NAČIN OBJAVE I DODATNE INFORMACIJE

Javni poziv je otvoren do 22.04.2026. godine (do 16:00 sati) i objavljuje se u elektronskim medijima na području Grada Goražda, internet stranici Grada Goražda, kao i oglasnoj ploči u zgradi Gadske uprave Grada Goražda.

Zainteresovana lica za dodatne informacije u vezi sa realizacijom Javnog poziva mogu dobiti u Službi za društvene djelatnosti, opću upravu, socijalnu zaštitu i stambena pitanja Grada Goražda na telefon 038 241-450. lok 254.

Grad Goražde zadržava pravo poništenja ovog poziva do odabira korisnika sredstava, bez obaveza pismenog ili usmenog obrazloženja kao i bez obaveza snošenja troškova za podnošenje zahtjeva po ovom pozivu.

**GRADONAČELNIK
ERNEST IMAMOVIĆ**